

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

EKONOMIA GARAPENAREN ETA LURRALDE OREKAREN SAILA

Foru Gobernu Kontseiluaren 609/2018 Erabakia, azaroaren 13koa. Onestea Arabako Lurralde Historikoko toki erakundeei laguntzak emateko deialdia, obra txikiak gauzatzeko 2019ko programaren barruan

Ekainaren 27ko 21/2013 Foru Arauak auzo harremanak sustatzeko ekimenetarako eta Arabako toki erakundeetan obra txikiak egiteko laguntza programak arautzen ditu.

Arau horren III. tituluaren obra txikiak egiteko programaren inguruko xedapenak ezartzen dira, bai eta horrelako laguntzak emateko arauak eta irizpideak ere.

Programa hau Arabako Foru Aldundiaren aparteko tresna bat da, lurralde historikoko toki erakundeei finantzaketan laguntzeko; programaren helburua da laguntzak ematea Arabako toki erakundeetan egin beharreko 35.000,00 eurotik beherako inbertsioak finantzatzeko.

Ondorio horietarako, eta urriaren 19ko 11/2016 Foru Araua, Arabako Lurralde Historikoko dirulaguntzena, ezarri, onetsi egiten da Obra txikiak gauzatzeko 2019ko Programaren barruan Arabako toki erakundeei emango zaizkien laguntzak arautzen dituen deialdia.

Horregatik guztiagatik, Ekonomia Garapenaren eta Lurralde Orekaren Saileko foru diputatuaren proposamenez, eta Foru Gobernu Kontseiluak gaur egindako bilkuran gaia azertu ondoren, erabaki hau hartu dugu

ERABAKIA

Lehenengoa. Onestea Arabako Lurralde Historikoko toki erakundeei laguntzak emateko deialdia, Obra txikiak gauzatzeko 2019ko Programaren barruan emango diren laguntzena, alegia.

Bigarrena. Deialdiaren oinarriak.

1. Araubidea.

Programa ekainaren 27ko 21/2013 Foru Arauak III. tituluaren xedatutakoaren arabera dago araututa.

2. Erakunde onuradunak.

Laguntza programa honen onuradun izan daitezke 21/2013 Foru Arauaren 16. artikuluan jasotzen diren erakundeak.

Ezin dira onuradunak izan azaroaren 17ko 38/2003 Lege Orokorrak, dirulaguntzenak, IV. tituluaren adierazitako arau hausteren bat dela-eta zehatu diren erakundeak, ez eta Eusko Legebiltzarraren otsailaren 18ko 4/2005 Legeak, emakumeen eta gizonen berdintasunerakoak, eta martxoaren 22ko 3/2007 Lege Organikoak, emakumeen eta gizonen berdintasun eraginkorrerakoak, jasotako egoeretan daudenak ere.

3. Diru hornidura.

Hasierako finantza hornidura kuantifikatuta dago Arabako Foru Aldundiaren 2019rako aurrekontuan berariaz edo era osagarrian obra txikiak gauzatzeko finantzatzeko jasotzen diren partiden hasierako esleipenen batura bezala. Zenbateko horiek handitu ahal izango dira beren hasierako horniduraren ehuneko 50era arteko kopuruaz.

Dirulaguntzak emateko, ezinbestekoa izango da partidaren kreditu erabilgarria egotea.

4. Eskaerak aurkezteko epea eta modua.

Eskaerak aurkezteko epea 30 egun naturalekoa izango da, deialdia ALHAOn argitaratu eta hurrengo egunetik aurrera.

Eskaerak aurkezteko epea bukatu baino lehen, toki erakunde bakoitzak udalbatzaren erabakia hartu beharko du, bere antolaketa eta funtzionamendu araubidearen arabera, eskatzen dituen obra eta zerbitzuei buruz.

Eskaerak Arabako Foru Aldundiaren egoitza elektronikoa aurkeztuko dira (<https://e-s.araba.eus>); beraz, ezinbestekoa izango da eskatzaileek, aldez aurretik, ziurtagiri elektronikoa izatea. Egoitza Elektronikora sartzeko bideak zeintzuk diren eta entitate ziurtatzaile batek jaulkitako ziurtagiri elektronikoa non eskatu behar den jakiteko, jo "EZAGUTU EGOITZA – Nola sartu" izeneko atalera.

Eskaerarekin batera, aurrekontu xehakaturik edo egin beharreko obraren balioespena (kostua eta BEZa zein bere aldetik adierazita) aurkeztu behar da. Hirigintza arloko aholkuak ematen dituen udal teknikariak proiektuaren beharra egiaztatzen badu (eskaera inprimakiarekin batera dagoen "Proiektuaren beharraren ziurtagiria / Hirigintza txostena" inprimakian), obraren aurrekontua edo balioespena aurkeztu beharrean, obrak burutzeko proiektu teknikoa aurkeztu beharko da, non orobat jaso beharko baitira Eraikuntzaren Kode Teknikoaren 1. eranskinean finkatutako agiriak eta edukiak. Eranskin hori martxoaren 17ko 316/2006 Errege Dekretuak, eraikuntzaren kode teknikoa onesten duenak, onetsi zuen.

Bidenabar, jarduna zoladura jartzeko baldin bada edo jardunaren barruan zoladura ere jarri beharra sartzen bada, aurkeztutako aurrekontua edo balorazioa behar bezain zehatza izan beharko da, zenbat metro koadroz ari garen jakiteko eta zer material erabiliko den ere jakiteko.

Hauexek izango dira, 2019ko ekitaldirako, ekainaren 27ko 21/2013 Foru Arauaren 18.1.b artikulua aipatzen dituen moduluak:

- Aglomeratu asfaltikoa: 35,20 euro/m².
- Hormigoia edo besterik: 44,92 euro/m².

Bidali beharreko agirien bolumena 3MB baino gehiago bada, Arabako Foru Aldundiaren erregistro orokorrean edo horrekin hitzarmena izenpetuta duten toki erakundeetako erregistro orokorretan aurkeztu ahal izango dira, bai eta urriaren 1eko 39/2015 Legeak, administrazio publikoaren administrazio prozedura erkidearenak, eta Foru Gobernu Kontseiluaren maiatzaren 3ko 37/2011 Foru Dekretuak, Arabako Foru Aldundiaren agirien erregistroen erregelamendua onesten duenak, xedatutako eretan ere. Era berean, euskarri magnetikoan (CD edo antzekoa) edo paperean aurkeztu ahal izango da.

Eskaerak osorik bete ezean edo oinarri hauetan adierazitako agiriren bat falta izanez gero, interesdunari eskatuko zaio falta diren datuak eta agiriak aurkezteko hamar egun balioduneko epealdian, eta jakinaraziko zaio epealdi horretan agiri edo datu horiek aurkeztu ezean, eskaerari uko egin diola ulertuko dela eta eskaera artxibatuko dela.

Aurreko oinarrian ezartzen diren ondorioetarako, osorik ez dauden eskaerak ez aurkeztuzat joko dira eskaria erabat zuzendu arte.

21/2013 Foru Arauaren 17. artikulua 5. apartatua ezarritakoaren arabera, ezingo da eskatu laguntzarik Ekonomia Garapenaren eta Lurralde Oreka Sailak kudeatzen dituen beste laguntza programa batzuen 2019rako deialdietan eskatu ziren obretarako, eta, batez ere, Obra eta Zerbitzuen Foru Planaren 2018-2019 deialdiaren barruan eskatu ziren obretarako.

5. Obren tipologia.

Zein jardun gauzatzeko eman daitezkeen laguntzak: 21/2013 Foru Arauaren 17. artikuluan jasota daudenen izaera dutenak.

Baldin 17. artikuluko horren apartatuak aipatzen dituen jardunak gauzatzeko organismo eskumendunen baimena eta/edo aldeko txostena behar bada, jardunari ekin baino lehen eduki beharko da.

Proiektu teknikoa behar izanez gero, eskatzen den obraren jarduna bakarrik jaso beharko da proiektu tekniko horretan. Ez da aurkeztutzat joko proiektu bat, baldin eta jardun zabalago batzuei badagokie eta eskatutakoa horien zatia bada.

Eskatutako jarduna "Hornidura edota saneamendu sareak partzialki konpontzea, antzemandako gabezien ondorioz" epigrafean jaso bada, orduan honako hauek ere aurkeztu beharko dira:

a) Hautemandako gabeziei buruzko agiriak (konponketen fakturak...)

b) Bestela, horren orde, udaleko teknikari aholkulariaren txosten teknikoa aurkeztu ahalko da, non azalduko diren hautemandako akatsak, haien izaera, garrantzia, antzintasuna eta haren iritziz eskaera aztertzeke interesgarri izan daitekeen beste edozer.

Baldin eta eskatutako jarduna Arabako Foru Aldundiaren Errepide Erregistroan sartutako bideetan egin beharreko obretarako bada, eskaerarekin batera Arabako Foru Aldundiko Nekazaritza Saileko Nekazaritza Garapenerako Zerbitzuak egindako aurrekontua edo agiri teknikoa aurkeztu beharko da. Gisa horretako obretarako, mantentze edo garbiketara lanak ere sar daitezke, eta salbuespenez akabera zurruntan (hormigoia edo asfaltoko akaberak) egin beharreko lana sar daiteke baldin eta baldintzak fisikoek (esaterako malda handietan lan egitea) hala eskatzen badute eta hala definituta ageri badira aurkeztutako agiri teknikoetan.

Haien kategoria gorabehera, legez izendatutako arkeologia zonetan jardunez gero, aginduzkoa da Arabako Foru Aldundiko Museo eta Arkeologia Zerbitzuaren txostena.

Agiri horiek, beraz, eskaerak aurkezteko finkatutako epearen barruan aurkeztu beharko dira, eskaerarekin batera.

21/2013 Foru Arauaren 17. artikuluko 2. apartatuan ezarritakoaren ondorioetarako, ondasun eta eskubideen titularra izango da bat baldin eta ondasun eta eskubide horiek toki erakundearen izenean izena emanda badaude jabetza erregistroan, edo bestela, toki erakundearen ondasunen inbentarioan jasota badaude.

6. Laguntzak esleitzeko araubidea eta hautatze irizpideak.

Laguntzak esleitzeko araubidea eta aplikatzekoak diren hautatze irizpideak ekainaren 27ko 21/2013 Foru Arauaren 20. artikuluan daude jasota.

Laguntzen deialdiaren ebazpena emateko, emandako epean aurkeztutako aurrekontu ekonomikoan oinarrituz egingo da dirulaguntzaren hasierako kalkulua; aldeak edo akatsak antzeman badira, zuzendu egingo dira, eskaera zuzentzearen ondorioz araudian eraturako beste ondorio batzuen eragina jasotzen bada salbu.

7. Prozeduraren ebazpena eta jakinarazpena.

Prozeduraren ebazpena eta haren jakinarazpena ekainaren 27ko 21/2013 Foru Arauaren 21. artikuluan xedatutakoaren arabera egingo dira.

Toki erakundeei idatziz jakinaraziko zaie eskatutako obra horiek programan sartu ala kanpoan utzi ebatzen duen ebazpena. Ebazpen horrek administrazio bidea amaitzen du.

Toki erakunde onuradunak, berriz, bete egin beharko ditu dirulaguntzak emateko ebazpenaren jakinarazpenean ezarritako baldintzak eta betekizunak.

8. Obrak burutzeko eta agiriak aurkezteko epea.

Deialdi honen babesean diruz lagundutako obrak amaitzeko muga eguna 2019ko azaroaren 30a da, eta orobat obrak gauzatu direla frogatzeko agiriak (fakturak, eta hala balegokio, obra ziurtagiri behar bezala onetsiak) aurkezteko; behar adina agiri, hain zuzen, dirulaguntza kalkulatzeko eta haren ordainketa izapidetzeko.

Ordainketaren egiaztagiriak aurkezteko epea bi hilabete izango da, dirulaguntza ordaintzen denetik aurrera.

9. Dirulaguntza bat baino gehiago aldi berean.

Gertatuko balitz "Obra txikiak egiteko" laguntza programaren kontura diruz lagundutako jardun bat aldi berean beste dirulaguntza batzuekin ere finantzatzea, 21/2013 Foru Arauaren 24. artikulua horretarako xedatutakoari jarraituko zaio.

10. Dirulaguntzak errebokatzea eta itzultzea.

Funtsezkoak dira dirulaguntzak emateko eta benetan jasotzeko ezarri diren baldintzak; hortaz, bete ezean, guztiz errebokatuko dira, eta itzuli egin beharko dira jasotako kopuruak, eta, hala badagokio, aurre egin beharko zaie dirulaguntzak arautzen dituen foru araudian aurreikusitako erantzukizunei.

Hirugarrena. Ekonomia Garapenaren eta Lurralde Oreka Saileko foru diputatuari ahalmena ematea aipatutako obrak izapidetzeko eta egiteko zenbanahi agindu eta xedapen emateko, bai eta dagozkien aurrekontu partidek hartarako aukera ematen dutelako gerorako emakidak onesteko ere, betiere prozedura ebazteko kide anitzeko organoak proposatutako lehentasun hurrenkera zainduz. Era berean, ahalmena izango du izan litezkeen itzulketak eskatu eta balio-gabetzeko.

Laugarrena. Erabaki hau ALHAOn argitaratzea.

Gasteiz, 2018ko azaroaren 13a

Diputatu nagusia

RAMIRO GONZÁLEZ VICENTE

Diputatu nagusiorde eta Ekonomia Garapenaren eta Lurralde Oreka Saileko foru diputatua

MARÍA PILAR GARCÍA DE SALAZAR OLANO

Lurralde Oreka Saileko zuzendaria

IÑAKI GUILLERNA SÁENZ